

“ТАСДИҚЛАЙМАН”
Вилоят ҳокимлиги
ҳузуридаги Жамоатчилик
Кенгаши раиси


Н.ТОҒАЕВА
2025 йил “21” февраль

Навоий вилояти ҳокимлиги ҳузуридаги Жамоатчилик Кенгашининг
3 – Й И Ғ И Л И Ш И Б А Ё Н Н О М А С И

Ўтказиш жойи: “Ёшлар маркази” кичик мажлислар зали
Ўтказиш санаси ва вақти: 2025 йил 21 февраль соат 11.00.

Кенгаш раиси: Н.Тоғаева
Кенгаш котиби М.Хамидов
Иштирок этган
аъзолар сони: 11 нафар аъзо
Маълум сабабларга
кўра иштирок этмаган
аъзолар: 5 нафар (Д.Орзиева, Ҳ.Жумаев, З.Тоғаев,
А.Муқимов, Ғ.Алиев)

Йиғилишга таклиф этилганлар:
ННТлар ва ОАВ вакиллари (25 нафар)

КУ Н Т А Р Т И Б И

1. Коррупцияга қарши курашишда маҳаллий давлат органлари ҳузуридаги Жамоатчилик Кенгашлари ролини ошириш тўғрисида

Сўзга чиқувчи: М.Хамидов – “Ноила” ижтимоий кўмак, ҳуқуқий тарғибот ва мониторинг маркази раҳбари

2. Давлат органлари очиқлигини таъминлаш борасида вилоят ҳокимлиги ҳузуридаги Жамоатчилик Кенгаши иштирокини кенгайтириш тўғрисида

Сўзга чиқувчи: Н.Тоғаева – Жамоатчилик Кенгаши раиси

3. Бошқа масалалар

1. ЭШИТИЛДИ:

Вилоят ҳокимлиги ҳузуридаги Жамоатчилик Кенгаши учинчи йиғилишини Кенгаш раиси Н.Тоғаева олиб борди.

Н.Тоғаева йиғилишни кириш сўзи билан очиб, коррупцияга қарши курашиш борасида вилоятимизда жамоатчиликнинг роли ва имкониятлари

юзага чиқариш бўйича олиб борилаётган амалий ишлар тўғрисида тўхталиб ўтди.

Шундан сўнг, кун тартибидаги **биринчи масала** – Коррупцияга қарши курашишда маҳаллий давлат органлари ҳузуридаги Жамоатчилик Кенгашлари ролини ошириш тўғрисида “Ноила” ижтимоий кўмак, ҳуқуқий тарғибот ва мониторинг маркази раҳбари **Хамидов Мансуржон Абдухалиловичга** берилди.

Маърузачи ўз сўзида коррупцияга қарши курашиш жараёнида ННТ томонидан олиб борилган тадқиқотлар натижасида бугунги кунда вилоят миқёсида самарали ижтимоий шерикчилик ҳолати масалаларига алоҳида таҳлиллар билан тўхталиб ўтди.

Жумладан, 2024 йилда коррупцияга қарши курашишда самарали ижтимоий шерикчиликни таъминлаш мақсадида ўндан ортиқ жамоатчилик назорати тадбирлари ўтказилди.

Вилоятдаги ижтимоий шерикчилик комиссияси ҳамда кенг жамоатчилик вакиллари жалб қилган ҳолда 10 дан ортиқ мониторинглар, 5 та эшитувлар, аҳоли муаммоларига оид 7 мартаба тадқиқот ва сўровлар ўтказилган.

М.Хамидов ўз сўзида Ўзбекистон Республикаси Президентининг 2024 йил 26 августдаги “Фуқаролик жамияти институтларини давлат томонидан қўллаб-қувватлаш тизимини янада такомиллаштириш чора-тадбирлари тўғрисида”ги ПФ-124-сонли Фармони, 2018-йил 04 июлдаги “Давлат органлари ҳузурида жамоатчилик кенгашлари фаолиятини ташкил этиш чора-тадбирлари тўғрисида”ги ПҚ-3837-сонли қарорига мувофиқ, вилоят ҳокимлиги ҳузуридаги жамоатчилик кенгашининг коррупцияга қарши курашишдаги фаолиятини янада самарали ташкил этиш мақсадга мувофиқ эканлигини алоҳида таъкидлаб ўтди.

Келгусида қабул қилинаётган маҳаллий норматив-ҳуқуқий ҳужжатларда, қарорларда, шунингдек, давлат, тармоқ ва ҳудудий ривожлантириш дастурларида жамоатчилик манфаатлари ва жамоатчилик фикри ҳисобга олиниши, фуқароларнинг, юридик шахсларнинг ҳуқуқлари ва қонуний манфаатларини, жамият манфаатларини ҳимоя қилиш соҳасида қонун ҳужжатлари талаблари ижросини таъминлаш, давлат органи зиммасига юкланган ҳамда ижтимоий ва жамоатчилик манфаатларига даҳл қилувчи вазифалар ва функцияларни бажариш, давлат хизматларини кўрсатиш, ижтимоий шериклик доирасида амалга ошириладиган битимлар, шартномалар, лойиҳалар ва дастурларни рўёбга чиқариш бўйича давлат органи ва унинг мансабдор шахсларининг фаолияти устидан жамоатчилик назоратини амалга ошириш масаласи – коррупцияни олдини олишда ҳамкорликдаги энг муҳим воситалардан бири эканлиги таъкидланди.

Шунингдек, Жамоатчилик кенгашининг фаол аъзолари коррупцион ҳолатларни олдини олиш мақсадида қонунчилик ҳужжатларида ўрнатилган тартибда бюджетдан ташқари маблағлар ҳисобидан моддий рағбатлантириб борилиши зарурлиги таъкидланди.

Жамоатчилик назорати субъекти сифатида вилоят ҳокимлиги ҳузуридаги Жамоатчилик Кенгашининг коррупцияни олдини олиш ва унга қарши курашишда муҳим йўналишлари эканлиги алоҳида белгилаб қўйилган.

Навоий вилояти “Ноила” ижтимоий кўмак, ҳуқуқий тарғибот ва мониторинг маркази раҳбари сифатида М.Хамидов бугунги кунда коррупцияга қарши курашиш соҳасида бир қатор муҳим йўналишларга алоҳида эътибор қаратди.

Биринчидан, коррупцияга қарши курашишнинг превентив чоралари самарадорлигига эришиш керак. Яъни иллатнинг олдини олишнинг назарий пойдевори — “таълим, хабардорлик ва тарғибот” (education, awareness and advocacy) тамойилларига асосланиб, амалий томондан эса “самарадорлик, шаффофлик ва ҳисобдорлик” (effectiveness, transparency, accountability) тамойиллари асосида аниқ жамоатчилик назорати тадбирларини амалга ошириш зарур.

Бу борада жамоатчилик назорати принциплари ривожланган мамлакатлар, хусусан, Сингапур тажрибасига ҳамоҳанг равишда “one size fits all”, яъни “барча учун бир хил мезон” модели асосида ишлаб чиқилиб, коррупцияга қарши курашишнинг аниқ ҳуқуқий механизми, самарали институционал тузилмаси, молиявий ва меҳнат ресурслари билан доимий таъминлаб турилиши, мунтазам мониторинг фаолияти ҳамда ҳолис ва шаффоф баҳолаш тизими ишлаши лозим.

Албатта коррупцияга қарши курашиш стратегиясида интеграциялашган ёндашувни қўллаш яхши самара беради. Бунда давлат органларининг фуқаролик жамиятининг барча институти билан ҳамжиҳат фаол ҳаракатини таъминлаш назарда тутилади. Шунингдек, коррупцияга қарши курашишда миллий тузилмаларнинг халқаро ташкилотлар билан ҳамкорлигини янада кучайтириш масалаларига ҳам алоҳида эътибор берилди. Бу борада коррупцияга қарши курашиш соҳасида интеграцияга эришишга тўсқинлик қилаётган омиллардан бири — аниқ статистика ва мақбул далилларга асосланган маълумотга таянган ҳолда иш олиб бориш тизимининг мавжуд эмаслиги ҳисобланади. Шу боис, келгусида жамоатчилик назорати субъектлари мазкур йўналишда аниқ фактлар ва статистика билан ишлаши зарур ҳисобланади.

Шундан сўнг, кун тартибидаги **иккинчи масала** — Давлат органлари очиқлигини таъминлаш борасида вилоят ҳокимлиги ҳузуридаги Жамоатчилик Кенгаши иштирокини кенгайтириш тўғрисида сўз навбати Жамоатчилик Кенгаши раиси — **Тоғаева Назира Маманазаровна**га берилди.

Н.Тоғаева ўз сўзида бугунги кунда амалга оширилаётган ислохотлар натижасида жамиятда давлат органлари очиқлигини таъминлашда нодавлат нотижорат ташкилотлари ва фуқаролик жамиятининг бошқа институтларига яратилаётган имкониятлар, уларнинг сонини йил сайин ортиб бораётганлиги, айнан маҳаллий давлат органлари ҳузурида Жамоатчилик Кенгашлари фаолияти самарали йўлга қўйилиб, улар маҳаллий давлат ва нодавлат

ташкilotлар ўртасида ўзаро самарали ижтимоий ҳамкорлик борасида қатор вазифаларни амалга оширишга масъул эканлигини уқтириб ўтди.

Шу нуқтаи-назардан вилоят ҳокимлиги ҳузуридаги Жамоатчилик Кенгаши фаолиятини самарали ташкил қилишда, Кенгаш аъзоларини ҳудудлардаги маҳаллий давлат органлари очиклигини таъминлаш борасида жамоатчилик Кенгашлари фаолиятини самарали ташкил этиш ва таъминлаш, уларнинг жамоатчилик назорати ва самарали ижтимоий шерикчиликни такомиллаштиришдаги ролини ошириш бўйича ўзига тегишли вазифалар белгилаб олиши мақсадга мувофиқлиги таъкидланди.

Вилоят ҳокимлиги, жамоатчилик Кенгашлари билан келишилган ҳолда таклифга кўра, вилоят ҳокимлиги ҳузуридаги Жамоатчилик Кенгаши аъзоларини вилоятнинг 3 та шаҳри ва 8 та туманига бириктирилган аъзолари томонидан маҳаллий давлат органлари ҳузуридаги Жамоатчилик Кенгашларининг вебсайтларини яратиш, уларда ўзаро ҳамкорлик истиқболларини яратиб бориш, маҳаллий давлат органлари интернет сайтларининг, ҳужжатлар алмашинуви рақамлаштирилиши даражалари бўйича доимий мониторинглар олиб бориши мақсадга мувофиқ эканлиги таъкидланди..

Кун тартибидаги мазкур масалалар юзасидан билдирилган фикр-мулоҳазаларни инобатга олган ҳолда вилоят ҳокимлиги ҳузуридаги Жамоатчилик Кенгаши

Қ А Р О Р Қ И Л А Д И:

1. Вилоят ҳокимлиги ҳузуридаги жамоатчилик Кенгаши котиби - “Ноила” ИКХТММ раҳбари М.Хамидов, Кенгаш раиси - вилоят Каба уюшмалари бирлашмаси раиси Н.Тоғаяевларнинг маърузалари маълумот учун қабул қилинсин.

Вилоят ҳокимлиги ҳузуридаги Жамоатчилик Кенгаши аъзоларига:

- коррупцияни олдини олиш, маҳаллий давлат органлари очиклигини таъминлашда маҳаллий давлат органлари ҳузуридаги Жамоатчилик Кенгашлари, нодавлат нотижорат ташкilotлари ва фуқаролик жамиятининг бошқа институтлари билан ўзаро ҳамкорликда жамоатчилик назорати тадбирларини ташкил қилишда ижтимоий шерикчиликни йўлга қўйиш ва самарали ҳамкорлик қилиш тавсия этилсин.

2. Вилоят ҳокимлиги ҳузуридаги Жамоатчилик Кенгаши аъзоларига:

- Коррупцияни олдини олиш ва унга қарши курашиш мақсадида маҳаллий давлат, тармоқ ва ҳудудий ривожлантириш дастурларида жамоатчилик манфаатлари ва жамоатчилик фикри ҳисобга олиниши, фуқароларнинг, юридик шахсларнинг ҳуқуқлари ва қонуний манфаатларини, жамият манфаатларини ҳимоя қилиш соҳасида қонун ҳужжатлари талаблари ижросини таъминлаш, давлат органи зиммасига юкланган ҳамда ижтимоий ва жамоатчилик манфаатларига даҳл қилувчи вазифалар ва функцияларни бажариш, давлат хизматларини кўрсатиш, ижтимоий шериклик доирасида амалга ошириладиган битимлар, шартномалар, лойиҳалар ва дастурларни рўёбга чиқариш бўйича

давлат органи ва унинг мансабдор шахсларининг фаолияти устидан жамоатчилик назоратини амалга ошириш йўлга қўйиш;

- жамоатчилик назорати тадбирларини ахборот-коммуникация технологияларидан кенг фойдаланган ҳолда ўтказиш, провардида давлат органи фаолиятида коррупцияга қарши курашиш соҳасидаги давлат дастурлари ва бошқа дастурларни ишлаб чиқиш ҳамда амалга оширишда иштирок этиш, коррупцияга қарши курашиш бўйича олиб борилган ишлар устидан мониторинг ва таҳлил ўтказиш, шунингдек, уларнинг натижалари бўйича таклифлар тайёрлаш;

- маҳаллий давлат органлари фаолиятининг очиқлигини таъминлаш бўйича амалга оширилаётган тадбирларни мониторинг қилиш, унинг фаолияти тўғрисида батафсил ахборот олиш имкониятларини таҳлил қилиш, уларни янада кенгайтириш бўйича таклифлар ишлаб чиқиш, вилоят ҳокимлигининг расмий веб-сайтида жамоатчилик кенгаши фаолияти билан боғлиқ очиқ эълон қилиниши лозим бўлган маълумотларни жойлаштириб бориш ҳамда уларнинг ҳар чоракда янгиланиб борилишини таъминлаш;

- маҳаллий давлат органи фаолиятини ислоҳ қилишда фуқаролар иштирок этиши учун яратилган шарт-шароитларни ўрганиш ва уларни яхшилаш бўйича таклифлар ишлаб чиқиш, давлат органлари ходимлари ва улар оилаларининг уй-жой, ижтимоий-маиший, хизмат шарт-шароитларини, уларга малакали тиббий ёрдам кўрсатиш шароитларини, шунингдек, ишдан бўшатиш ёки захирага олинган ходимларни ижтимоий ва касбий мослаштириш бўйича муаммоларни комплекс таҳлил қилиш ҳамда таҳлил яқунлари бўйича мазкур шароитларни яхшилаш юзасидан таклифлар киритиш тавсия этилсин.

3. Коррупцияни олдини олиш ва давлат органлари очиқлигини таъминлашда кўрсатган фаоллиги учун вилоят ҳокимлиги ҳузуридаги Жамоатчилик кенгашининг фаол аъзолари қонунчилик ҳужжатларида ўрнатилган тартибда бюджетдан ташқари маблағлар ҳисобидан моддий рағбатлантириб боришни ташкил этиш бўйича Халқ депутатлари вилоят Кенгашига тегишли таклиф киритилсин.

7. Мазкур қарор ижросини назорат қилиш Жамоатчилик Кенгаши котиби ва аъзолари зиммасига юклансин.

Овоз берилди: ёқлаб 11 киши

Қаршилар – йўқ

Бетарафлар – йўқ

Кенгаш котиби

М.Хамидов